



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Concilivm Mogvntinvm II. In Causa Caroli Constantiensis Episcopi, quem clerici eiusdem ecclesiae ob crimen simoniae & sacrilegii sede deponi vrgebant celebratum anno Domini MLXXI. tempore Alexandri ...

urn:nbn:de:hbz:466:1-15625

CONCILIVM MOGVNTINVM II.

ANNO
CHRISTI
1071.

IN CAUSA CAROLI CONSTANTIENSIS EPISCOPI, quem clerici eiusdem ecclesie ob crimen simoniae & sacrilegii sede deponi vrgebant celebratum anno Domini MLXXI. tempore Alexandri papae II.

NOTA.

Causa Concilii.

Concilium.] Post obitum Rumoldi Constantiensis episcopi Carolus Magdeburgensis canonicus successit. Qui cum processu temporis pro suo libitu magis quam ex ratione remgereret, indignantes clerici, inquit Lambertus, a communione eius se abstinere ceperunt, propter simoniacam heresim, per quam episcopatum usurpasse dicebatur; id quoque ei crimini dantes, quod plerisque ecclesie thesaurus furtive abstulisset. Qua accusatione Romam perlata, Romanus pontifex mandata direxit Moguntino archiepiscopo, ne ullo modo ab eo consecraretur, donec in sui presentia causa diligentius ventilaretur.

Indicatur Synodus Moguntina in causa episcopi Constantiensis.

Et sub hoc anno idem auctor inferius de prosecutione causae: Carolus, cui rex Constantiensem episcopatum dederat, assiduis proclamationibus pro ordinatione sua sedem apostolicam appellabat; e contra fratres Constantienses obstinata contentione oblectabantur, ne contra Canonum instituta is, qui praeter simoniacam heresim furti quoque insimulatus fuerat, sibi episcopus ordinaretur. Papa, cum ei molesti essent, cognitionem causae a se ad archiepiscopum Moguntinum reiecit; iussitque ut utrisque vocatis ad Synodum, rem diligentissime ventilaret. Et si crimina quae obiciebantur refellere non posset, nulla eum ratione consecraret. Hac de causa Synodum archiepiscopus Moguntia indixit in mensem Augustum. Rex concertationem hanc iniquo valde animo ferebat propter amicitiam Caroli, & plurima seruitia, quibus etiam in re familiari plerumque sibi commodissime adsuerat; & idcirco munera sua rata ei manere cupidissime volebat. Vnde Moguntino archiepiscopo grauiter succensebat, quod non statim eum, contemptis obstrepentium fratrum simultatibus, ordinasset. Sed ille immobilis persistebat in sententia; illud praese ferens, quam terribiliter anno superiore a papa pro simili causa obiurgatus fuisset, & quam vix & agre sine damno gradus sui euasisset, & quod postea recentibus literis sedis apostolicae, ne sine diligentissima discussione manus illi imponeret, communitus fuisset. Itaque instantibus iam Kalendis Augusti rex Moguntiam properabat, cupiens ipse in discussione tanti negotii cum archiepiscopo cognitor assidere.

Et inferius enarrato obitu Lupoldi regis carissimi, quem eo in itinere mori contigit, pergit ceptam ipsam historiam verbis istis: Rex magnifice ac regaliter curato funere Moguntiam, sicut instituerat, properauit: cumque statuta die in Synodo cum episcopis assedisset, aderat Carolus, aderant & fratres Constantienses, magnam ei molem criminum obiectantes, contra quos rex (quantum salua verecundia poterat) dedita opera

ANNO CHRISTI 1071.

opera nitebatur, & modo obiecta purgare, modo pondus obiectorum, qua non poterat purgare, callidis sermonibus nitebatur attenuare, plerumque etiam instantium & perurgentium procacitatem verbis durioribus corripiebat, ac frontis impudentiam, opposita auctoritatis suae maiestate refringere tentabat. Primum & secundum diem in hoc negotio insumpsit. Cumque accusatorum constantiam nec veritate responsionis, nec arte dictionis eludere posset, ad ultimum probatis qua obiecta fuerant criminibus, baculum episcopalem ab eo recepit: verbis tamen exquisitissimis mœsticiam eius consolabatur; promittens quod, dum primum sibi opportunum fieret, benigna vice hanc calamitatem ei compensaret.

Deponitur Carolus episcopus Constantiensis.

Et inferius eodem anno in fine: Carolus, quem ab episcopatu Constantiensi deiectum supra diximus, regressus ad Magdeburgensem diocesim, VI. Kalendas Ianuarii obiit. Hunc finem accepit homo cupidissimus gloriæ, qui cum malis artibus eam assequi conatus esset, mersit loco gloriæ ignominiam, simulque mortem ex mœrore cor exedente percepit.

ANNO CHRISTI 1072.

CONCILIVM ANGLICANVM
IN CAUSA PRIMATVS CANTVARIENSIS
super Eboracensem celebratum anno Domini MLXXII.
tempore Alexandri papæ II.

NOTA.

* Concilium.] Acta huius Concilii magna ex parte recitata habentur a Vvilielmo Malmesburiensi, de gestis pontificum Anglorum his verbis: Anno ab incarnatione Domini nostri Iesu Christi millesimo sexagesimo secundo, regni vero Vvilielmi gloriosi regis Anglorum & ducis Northmannorum sexto, pontificatus autem domini Alexandri papæ undecimo, in presentia regis, episcoporum & abbatum, ventilata est causa de primatu, quem Lanfrancus Dorobernensis archiepiscopus super Eboracensem ecclesiam iure sua ecclesia proclamabat, & de ordinationibus quorundam episcoporum, de quibus ad quem specialiter pertinerent, certum minime constabat. Et tandem aliquando diversis diversarum causarum auctoritatibus probatum atque ostensum est, quod Eboracensis ecclesia Cantuariensi ecclesie debeat subiacere, eiusque archiepiscopi, ut primatis totius Britannie dispositionibus, in iis qua ad Christianam religionem pertinent, in omnibus obedire. Subiectionem vero Dunelmensis hoc est Lindisfarnensis episcopi, & omnium regionum a terminis Licefeldensis episcopi, & Humbræ magni fluvii, usque ad extremos fines Scotiæ, & quidquid ex hac parte predicti fluminis ad parochiam Eboracensis ecclesie iure competit, Cantuariensis metropolitanus Eboracensi archiepiscopo, eiusque successoribus in perpetuum obtinere concessit. Ita ut si Cantuariensis Concilium cogere voluerit, ubicumque ei visum fuerit, Eboracensis archiepiscopus sui presentiam cum omnibus sibi subiectis episcopis ad nutum eius exhibeat, & eius canonicis dispositionibus obediens existat.

Acta Concilii recitantur a Vvilielmo Malmesburiensi.

* XII.

Concil. Tom. 25.

SSSS